

Register da las «Fontaunas da dretg romontschas» online

■ (cp) Il november 2007 ha già lieu la preschentaziun da la publicaziun «Fontaunas da dretg romontschas», il tom 17 da la retscha Romanica Rætica da la Societad Retorumantscha. Quatter onns pli tard dispona ella d'in register online: www.annalas.ch/fontaunas.

Suenter che Andrea Schorta aveva rimnà e sistematisà fin il 1985 ils texts giuridics dal territori ladin restavi da far anc il medem per l'ulteriuir territori rumantsch.

Sin iniziativa da l'istoricher *Martin Bundi* è vegnida realisada l'ediziun voluminosa e cumplexsiva «Fontaunas da dretg romontschas», ina vasta collecziun da las funtaunas da dretg or da l'anteriuir intsches da la Lia da la Chadè e da la Lia Grischa. I sa tracta qua per gronda part d'ina reproducziun facsimile da numerus documents giuridics dal 17avel enfin l'entschatta dal 19avel tschientaner, publicgads en la «Crestomazia» da Caspar Decurtins ed en las «Annalas» da la Societad Retorumantscha, sco era da documents inediti u er nunenconuschents fin oz.

Register da las «Fontaunas da dretg romontschas» online

Co chatt'ins dentant tut quests docu-

ments senza stuair perder memia bler temp? Ils editurs avevan decidì a sias uras da crear in register sco glista separada per na betg surchargiar il tom detg voluminus.

Las «Fontaunas da dretg romontschas» na disponan betg d'in tal e cunquai ch'ils documents n'existan betg en furma digitala han ins stuì indexar a maun quest material, quai ch'è era vegnì fatg per pudair crear in index tenor in sistem da categorias e chavazzins. A basa da quel ha *Duri Denoth* sviluppà in program per metter il Register da las «Fontaunas da dretg romontschas» en la rait.

Il Register da las «Fontaunas da dretg romontschas» online www.annalas.ch/fontaunas cumplettescha l'ovra da Martin Bundi.

Grazia a quel è il material publictgà uss pli accessibel a tut las persunas che vulan lavurar cun el.

Las «Fontaunas da dretg romontschas» èn da retrair tar l'Institut dal DRG, Ringstrasse 34, 7000 Cuir (tel. 081 284 66 42 u info@drg.ch).
Visitai gist nossa pagina d'internet www.drg.ch u ans contactai, da nov era sin facebook: <http://www.facebook.com/Dicziunari>